

Ugovorne strane:

**1. MESSER TEHNOPLIN DOO**, ul. Rajlovačka bb. 71000 Sarajevo, koga zastupa direktor Dedić Avdo / u daljem tekstu: prodavac /

**2. JU ZAVOD ZA HITNU MEDICINSKU POMOĆ KANTONA SARAJEVO**, ul. Kolodvorska 14, Sarajevo 71 000, koju zastupa direktor mr.sc.dr Adem Zalihić (u daljem tekstu: Kupac)

u Sarajevu zaključuju sljedeći

## UGOVOR O NABAVCI

Ugovorne strane saglasno konstatiraju da se ovaj ugovor zaključuje na temelju Odluke o dodjeli ugovora o nabavci **boca za kisik (51-12 komada i 31-8 komada)**, broj: 01-1092-3/19 od 15.03.2019. godine, koja je donesena nakon provedenog postupka po pravilima Konkurentskog postupka za dostavljanje ponuda za javne nabavke roba.

### Član 1.

Predmet ovog ugovora je nabavka **boca za kisik (51-12 komada i 31-8 komada)**, kojom se prodavac obavezuje da će za potrebe kupca vršiti nabavku-isporuku – prema prihvaćenoj ponudi broj: 2-PO-61/19 od 25.02.2019. godine, a koja čini sastavni dio ovog ugovora.

### Član 2.

Vrijednost ugovora za nabavku roba u iznosu 4.640,00 KM bez PDV-a Na gore datu cijenu zakonski se zaračunavaju troškovi PDV-a od 17% i iznose 788,80 KM. Ukupna cijena za navedenu robu po datoj ponudi iznosi 5.428,80 KM sa PDV-om.

### Član 3.

Kupac se obavezuje da će robe iz člana 1. ovog ugovora platiti 30 dana nakon isporuke. Rok isporuke 20 dana od dana potpisivanja ugovora. Mjesto isporuke sjedište kupca.

### Član 4.

Kupac može jednostrano raskinuti ovaj ugovor ako utvrdi da prodavac ugovorene obaveze obavlja suprotno preuzetim obavezama iz članova 1. ovog ugovora. U tom slučaju prodavac je obavezan snositi svu štetu nastalu raskidom ovog ugovora.

### Član 5.

Ovaj ugovor traje do potpunog izvršenja obaveza ugovorenih strana.


**Član 6.**

Ugovorne strane su saglasne da će sve sporove iz ovog ugovora rješavati sporazumno, a ukoliko to nije moguće nadležan je Općinski sud u Sarajevu.

**Član 7.**

Ovaj Ugovor sačinjen je u 4 (četiri) primjeraka od kojih svaka ugovorna strana zadržava po 2 (dva) primjerka.

Prodavac  
Meseser tehnoplin doo



Direktor Avdo Dedić

BROJ: 2-UGP-64/19

DATUM: 03.04.2019.



Ugovorni organ  
JU Zavod za hitnu medicinsku pomoć KS



Direktor mr.sc.dr Adem Zalihić



Datum: 03.04.2019.  
Broj: 2-UGP-64/19  
JU Zavod za hitnu medicinsku pomoć KS



## Opći uslovi prodaje i isporuke

### 1. Uvodne odredbe

**1.1 MESSER:** Messer Tehnoplina d.o.o., ID broj: 4200350720000, kao Prodavac ili Zakupodavac, sa sjedištem u Rajlovačka b.b. 71000 Sarajevo, koga zastupa direktor Valentin Ilievski.

**1.2 Kupac:** fizička osoba, pravno lice, udruženje ili organizacija koje kupuje robu, opremu i/ili usluge iz poslovnog asortimana MESSER-a.

**1.3 Zakupac:** fizička osoba, pravno lice, udruženje ili organizacija koje uzima u zakup opremu u vlasništvu MESSER-a.

**1.4 Ugovorne strane:** Kupac i/ili Zakupac i MESSER.

**1.5 Roba:** roba, oprema i/ili usluge koji se uobičajeno, ali ne isključivo odnose na: tehničke, medicinske i specijalne plinove iz poslovnog asortimana MESSER-a, posude pod pritiskom (boce, rendžeri, rezervoari i baterije), palete, oprema za rezanje i zavarivanje, te ostala tehnička i medicinska roba i/ili oprema iz poslovnog asortimana MESSER-a. Usluge su sva djela, radnje i procesi koje Messer izvodi za Kupce i/ili Zakupce.

**1.6 Opći uslovi:** Ovi Opći uslovi prodaje i isporuke primjenjuju se i vrijede za prodaju i isporuku robe i/ili opreme i davanje u zakup kao i pružanje svih ostalih usluga MESSER-a prema Kupcu i/ili Zakupcu. Opći uslovi prodaje i isporuke su sastavni dio svakog Ugovora (otpremnice i/ili računa) zaključenog između Ugovornih strana, te se ima smatrati da Kupac i/ili Zakupac prihvata ove Opće uslove u trenutku zaključenja Ugovora, odnosno prihvatom ponude ili preuzimanjem robe od MESSER-a, ukoliko nije drugačije dogovoreno pismenim putem.

### 2. Prodaja i isporuka robe, reklamacije

**2.1 Prodaja robe** se vrši u sjedištu i podružnicama MESSER-a, a Kupac se obavezuje da preuzme robu i osigura transport iste, poštujući zakonske propise, a sve sukladno tačkama 2.9, 2.10, 4.3 i 4.4 ovih Općih uslova.

**2.2 Kupac** se obavezuje dostaviti pismenu narudžbenicu za svaku pojedinačnu isporuku. Ugovorni odnos između MESSER-a i Kupca se smatra sklopljenim u momentu kada je pismena narudžba Kupca potvrđena od strane MESSER-a (fax, e-mail, narudžbenica). U slučaju da MESSER-ova potvrđa narudžbe Kupca odstupa od originalne narudžbe Kupca, Kupac mora potvrditi alternativne uslove Messer-a, u suprotnom ugovorni odnos između Messera i Kupca se ne smatra sklopljenim. Prihvatanje robe od strane Kupca se ima za smatrati prihvatanjem alternativnih uslova Messer-a. U slučaju da Kupac kupuje robu bez prethodne narudžbe ugovorni odnos se smatra zaključenim u momentu preuzimanja robe. Do predaje robe Kupcu rizik slučajne propasti ili oštećenja stvari snosi Messer, a s predajom robe rizik prelazi na Kupca.

**2.3 U slučaju potpisivanja ugovora,** Kupac i/ili Zakupac predaje MESSER-u svoj Izvod iz sudskog registra ili Rješenje o osnivanju sa svim izmjenama i dopunama i Uvjerenje o registraciji u jedinstveni registar obveznika indirektnih poreza (PDV uvjerenje) ili Uvjerenje o poreznoj registraciji (ID broj) ukoliko Kupac nije PDV obveznik.

**2.4 U slučaju da Kupac i/ili Zakupac promijeni sjedište** dužan je da o tome obavijesti MESSER u roku od 8 dana od dana promjene adrese sjedišta. Ukoliko to ne učini, sve isporuke će se smatrati uredno izvršenim ukoliko budu isporučene na posljednju poznatu adresu sjedišta Kupca.

**2.5 U slučaju da je ugovorom dogovoreno da MESSER vrši transport robe** do Kupca, transport će biti obuhvaćen istim. U slučaju da nije zaključen pisani ugovor između MESSER-a i Kupca, MESSER će za izvršeni transport robe fakturisati i naplatiti „uslugu transporta“ sukladno važećem cjenovniku MESSER-a.

**2.6 U slučaju da je ugovoreno da MESSER vrši transport robe do Kupca,** Kupac je dužan obezbijediti adekvatan tj. dovoljan po veličini, nesmetan i bezbjedan prolaz vozila na mjesto isporuke, odgovarajući prostor, radnu snagu i/ili mehanizaciju za brz istovar i utovar robe, a sve u skladu sa važećim standardima i zakonskom regulativom koja važi za transport, rukovanje i skladištenje opasnim materijama. Smatraće se da je Kupac ispoštovao ovu odredbu Ugovora ukoliko od momenta dolaska prodavčevog vozila pred kapiju Kupca do momenta izlaska kroz istu, ne prođe više od jednog (1) sata. U slučaju dužeg zadržavanja vozila od gore propisanog vremena, MESSER će dodatno obračunati troškove proizašle iz toga, pri čemu će svaki naredni sat biti naplaćen po cijeni od 100,00 KM/h bez PDV-a.

**2.7 MESSER** će Kupcu izdati račun i otpremnicu za kupljenu robu. Kupac je dužan na otpremnici potvrditi primitak robe sa potpisom i čitkim imenom i prezimenom te brojem lične karte lica koje preuzima robu u ime Kupca, odnosno ukoliko je Kupac pravno lice dužan je na otpremnici potvrditi primitak robe potpisom i pečatom. U slučaju da Kupac, koji je pravno lice, u trenutku preuzimanja robe neće imati pečat, dužan je prije preuzimanja robe na posebnoj potvrdi navesti ime i prezime lica koji su ovlašteni

preuzeti robu od MESSER-a, sa naznakom broja lične karte ovlašćenih lica, te istu ovjeriti pečatom Kupca. Istovremeno, stavljanjem potpisa i pečata na otpremnicu Kupac potvrđuje primitak pune odnosno povrat prazne posude pod pritiskom.

**2.8 MESSER** se obavezuje isporučiti naručenu robu u dogovorenoj količini, kvaliteti i roku, sukladno logističkom rasporedu isporuka sa kojim je Kupac upoznat pismenim putem. Rok isporuke ne može biti kraći od dva (2) radna dana računajući od dana prijema pismene narudžbe od Kupca, ne računajući dane vikenda i praznika. Ukoliko Kupac iz bilo kojeg razloga zahtjeva isporuku robe u roku kraćem od dva (2) radna dana ili suprotno logističkom rasporedu MESSER-a, MESSER može pristati da u skladu sa svojim mogućnostima i slobodnim prevoznim kapacitetima izvrši takvu isporuku robe. Ukoliko nije drugačije dogovoreno ugovorom između MESSER-a i Kupca, sve isporuke koje se na zahtjev Kupca vrše u kraćem roku od dva (2) radna dana odnosno suprotno logističkom rasporedu MESSER-a se smatraju hitnim isporukama na koje se primjenjuju dodatni troškovi u skladu sa cjenovnikom MESSER-a.

**2.9 Kupac** se obavezuje na poštovanje svih važećih Zakona u BiH, kojima je regulirano skladištenje, transport i korištenje kupljene ili zakupljene robe. Kupac je obavezan da odmah po potpisivanju Ugovora ili zaključivanju kupovine, poduzme sve aktivnosti za dobivanje odobrenja za skladištenje, transport, čuvanje i upotrebu kupljene i/ili zakupljene robe u skladu sa važećom zakonskom i drugom regulativom u BiH koja se odnosi na protivpožarnu zaštitu i zaštitu na radu.

**2.10 Kupac** se obavezuje da postupa u skladu sa Uputstvom o mjerama sigurnosti pri prevozu komprimiranih i tekućih plinova koji se nalaze na poleđini otpremnice ili računa.

**2.11 Kupac** je dužan u trenutku primo-predaje pregledati robu. Preuzimanjem robe Kupac potvrđuje da je roba bez materijalnih nedostataka.

**2.12 Ako** je roba isporučena na skladište Kupca, kupac je dužan provjeriti naručenu robu i uporediti sa stanjem na otpremnici. U slučaju neslaganja ili u slučaju vidljivih vanjskih oštećenja isporučene robe, Kupac je dužan napraviti zapisnik o nedostacima isporuke te u roku od 3 dana dostaviti MESSER-u, odnosno u slučaju skrivenih nedostataka odmah, ali najkasnije u roku od 8 dana. Nakon isteka reklamacijskog roka propisanog ovim članom, reklamacije se neće uzvati.

**2.13 Sve reklamacije** se podnose pismenim putem uz podnošenje reklamacijskog zapisnika, kopije otpremnice reklamirane robe i povrat ili stavljanje na raspolaganje ili uvid reklamirane robe MESSER-u. MESSER će pismenim putem obavijestiti Kupca o rezultatima zaprimljene reklamacije.

**2.14 U slučaju opravdanosti reklamacije i utvrđenog nedostatka na reklamiranoj robi** MESSER će nadoknaditi Kupcu stvarne, dokumentovane troškove vraćanja proizvoda sa nedostatkom putem finansijskog odobrenja.

### 3. Način i uslovi plaćanja

**3.1 Za sve Kupce i/ili Zakupce** važe jedinstvene cijene koje se nalaze u važećim cjenovnicima, osim ukoliko ugovorne strane nisu dogovorile drugačije pismenim ugovorom. Na maloprodajnim mjestima MESSER-a javno je postavljen maloprodajni cjenovnik sa uračunatim PDV-om.

**3.2 Cijene** su izražene u konvertibilnim markama (KM).

**3.3 MESSER** se obavezuje obavijestiti Kupca i/ili Zakupca o nastalim promjenama cijena najmanje 7 dana unaprijed.

**3.4 Plaćanje robe i/ili zakupa** se vrši isključivo u konvertibilnim markama (KM), osim kod inozemnih plaćanja kada Kupac vrši uplatu na devizni račun MESSER-a.

**3.5 MESSER** se obavezuje Kupcu za isporučenu robu izdati račun/fakturu.

**3.6 Kupac i/ili Zakupac** je dužan platiti kupljenu robu u trenutku preuzimanja robe i računa, odnosno do 7.og dana u mjesecu platiti zakupninu za prethodni mjesec, osim ukoliko ugovorom između ugovornih strana nije dogovoreno drugačije, u kojem slučaju rok za plaćanje počinje teći sa danom isporučene robe.

**3.7 U slučaju da Kupac na dan uplate ima neplaćenih računa iz prethodnog perioda,** MESSER će obaveze namiriti prema starosti računa u skladu sa članom 312. Zakona o obligacionim odnosima.

**3.8 U slučaju prekoračenja roka plaćanja** navedenog u tački 3.6 ovog člana Kupac i/ili Zakupac se obavezuje da nadoknadi MESSER-u zakonsku zateznu kamatu u skladu sa Zakonom o obligacionim odnosima i Zakona o visini stope zakonske zatezne kamate za neizmirena dugovanja u BiH u iznosu od 12 %. Ukoliko Kupac kasni sa plaćanjem